

郭

圖記

字副記

陽府志
十三

卷(34-36)

新平知

PDG

貴陽府志卷三十四

知貴陽府事泰和周作楫夢巖輯

知貴陽府事博白朱德璉綬堂刊

記十一

城郭圖記第四

貴陽之城凡十曰府城貴筑縣附焉曰定番曰大塘
曰羅斛曰廣順曰長寨曰開州曰龍里曰貴定曰修
文皆府州縣正官及府州縣佐貳之所駐也其外汎
卉所駐之城又六曰青巖在府南曰廣順新城曰貴
定舊城各在所治曰札佐曰六廣曰九莊皆在修文

明時故所城二曰息烽曰請戎卽虎場堡皆在修文而明時之故堡城或修或廢其可紀者九夫州縣及倖貳咸有分地其城宜各具一圖而紀其詳然志册多缺不缺者又不清晰故惟府城特具焉

貴陽內城總圖

貴陽外城總圖

貴陽城記

定番城記

大塘城記

羅斛城記

廣順城記

長寨城記

開州城記

龍里城記

貴定城記

修文城記

青巖汎城記

廣順新城汎城記

貴定舊縣汎城記

札佐汎城記

六廣汎城記

廢于襄所城


廢息烽所城


貴陽故堡一

貴筑故堡七


廣順故堡一


貴陽內城總圖





貴陽外城總圖





貴陽府城卽元順元城也順元舊設土城東西南三

面與今城同北面僅至今鐘鼓樓

在大街王家巷口白圭鐘鼓樓記云

鐘鼓樓爲順元北門城樓是也

明初爲宣慰司城洪武十五年

方與紀要

作五年者誤

都指揮馬煜廣其北面依山麓爲址卽今北

城又改土城爲石城周九里七分高二丈二尺門五

東曰昭文南曰迎恩西南曰廣濟西曰振武北曰布

德水關二西南臨南明河東北有池天啟六年總督

張鶴鳴巡撫王城於北門外增砌外城六百餘丈設

威清六廣紅邊小東四門丁亥年孫可望毀外城順

治十六年總督趙廷臣巡撫卞三元重修內城增高

三十一
年總督甘文焜復修外城雍正四年巡撫

何世璠十年巡撫張廣泗元展成前後修葺

乾隆六年總督張廣泗請帑改建外城爲石城城身高二丈頂厚八尺底厚一丈垛口七百九十六四十六年補修內城東隅三尺五十三年補修內城西隅七尺嘉慶九年動項補修南門城垛口九丈十九年動項補修西門城身垛口二十餘丈二十四年地震東城裂者四十餘丈皆補修焉道光元年二年補修南隅九丈三年補修外城新東六廣紅邊等門湊合十餘丈十一年南隅爲水所圯者十餘丈二十年西

北隅自圯者數處皆報部補修今履城垣而計之內
城自北門東行至北水門約長三十六丈有垛三十
五自北水門東至東北隅炮臺約長百三十七丈垛
百四十七炮臺一自東北隅南至東門約長百三十
丈垛百三十東門月城約長二十八丈垛二十四自
東門南至南門約長二百二十丈垛二百三十六南
門月城約長三十六丈垛三十七自南門西至南水
門約長百七十七丈垛百九十八自南水門西北至
次南門約長九十九丈炮臺一垛百有六次南門月
城約長三十一丈炮臺一垛三十七自次南門北至

西門約長百七十六丈垛百七十九西門月城約長
三十七丈炮臺四垛六十三自西城西北行至西北
隅炮臺約長百五十六丈炮臺三垛百七十四自西
北隅東至北門長百三丈垛百十二北門月城長三
十三丈垛三十三內城門五水門二月城五正城長
千二百三十四丈炮臺五垛千三百二十五月城長
百二十六丈炮臺五垛百九十四外城自東北隅炮
臺西北至小水門長七十八丈垛八十五自小水門
西北至新東門長六十四丈垛六十四自新東門西
北至洪邊門長百五十丈垛百六十自洪邊門西北

至雙水門長四十二丈垛五十一自雙水門西二十
四丈至六廣門垛二十二自六廣門西南至威清門
長二百三十三丈垛二百三十五威清門月城長二
十六丈垛二十四東傳於內城西北炮臺長百六十
四丈垛百五十五外城門四水門二月城一正城約
長七百五十六丈有垛七百七十有二月城約長二
十六丈有垛二十有四其市廛內外二城各分爲四
保內城曰東南曰西南曰東北曰西北外城曰東南
曰西南曰東北曰西北內城東南保東至城南至南
門及大街與西南保接西至大街與西南保接北至

三浪坡二浪坡頭浪坡與東北保接西南保東至大街東南至南門皆與東南保接南及西皆至城北至五顯廟巷花牌坊尊德橋興隆街與西北保接東北保東至城南至頭浪坡二浪坡三浪坡與東南保接西至大街與西北保接北至城逾城與外城東南保接西北保東至大街與東北保接南至興隆街尊德橋花牌坊五顯廟巷與西南保接西至城北至城逾城與外城西南保接外城東南保東至內城牆南至內城北牆逾城與內城東北保接西南至內城北門月城西至廣東街與外城西南保接北至鮮魚巷與

外城東北保接外城西南保東至廣東街與外城東
南保接東南至北門月城南至內城北牆逾城與內
城西北保接西至城北至普定街與外城西北保接
外城東北保東至城南至鮮魚巷與外城東南保接
西至南京街與外城西北保接北至城外城西南保
東至南京街與外城東北保接南至普定街與外城
西南保接西及北皆至城內城街巷之在各保界者
有七曰大街起自北門南過北門橋又南至大十字
其東爲東北保西爲西北保街之左有螺螄灣巷口
車家巷口東嶽廟顏家巷口王家巷口大撫坊口錢

局巷口新街口黑羊井口三浪坡口街之右有真武廟沙井坎口太平橋巷口興隆街口又南行屈而東南達南門爲東南西南二保界左有大興寺壽佛寺忠烈廟獨獅子口糧道巷口常平倉學政署二府巷口順城街口右有貫珠橋口府巷口都司橋口天后宮大馬槽口吉祥寺雙土地巷口曰頭浪坡街自東門西至東門小十字接二浪坡街之左有文昌宮雙槐樹巷口右有浙江會館蔡家坊口曰二浪坡自東小十字西至小十字接三浪坡街之右有洙泗巷口金井街口左有福德街口曰三浪坡自小十字西至

大十字達大街街之右有大道觀左有三板橋巷口
此三街其北爲東北保南爲東南保曰五顯廟街自
西門東行屈而南東接花牌坊街之左有沙子坡巷
口構皮灣口街之右有華光廟田家巷口曰花牌坊
西接五顯廟街東接遵德橋街街之左有按察司署
道水槽口按察照磨署布政庫大使署獅子橋巷口
右有轎夫巷口府後街口曰遵德橋街西接花牌坊
東行過遵德橋西至大十字達大街街之左有玉河
街口貢院三街之北爲西北保南爲西南保東南保
之街巷凡十九曰順城街南起大街南門口北接雙